

正一法文經護國醮海品

太上告仙人豆子明曰 將來國主帝王有國土不安 星宿錯度 日月失昏 陰陽不調 兵革四起 疫毒流行 兆民死傷 汝等徒眾 宜加救護禳災 請福滅障消殃 宜設河圖普告大醮 以謝三十二天 三十二帝 日月星宿 遊璣玉衡 三十六地 名山大川 仙宮洞 府 土地真官 可用飲食餅果千二百盤 金龍環壁 本命紋繒 五 方鎮綵 金錢鎮絹 幡香燈燭 仙官神座 章信紙筆書刀事事潔序 罄竭丹誠 奏上章表 悔謝愆負 祈請福恩鎮信之物 天子用足 諸侯用丈 庶人用尺 亦可三百六十盤 亦可二百四十盤 可令 精勤道士一十二人 亦可九人 亦可三人 沐浴清淨燒香潔服齋戒 吉日登壇 啟告遍謝事訖 即以醮座金龍環壁青紙青絲銀板籌算 散詣名山大川 章醮投告 可用飲食餅果三十六盤 亦可二十四盤 其本命紋繒五方鎮綵金錢繒絹香油燈燭紙筆神座之具 事事降臧 元數 羅列敷陳 以告洞府仙官 具陳丹款 請福禳災 投於清玲 之淵 山洞之所 保延國祚 記上仙名 其銀板題文當如靈寶簡式 藏投深山深水 勿使漏泄密則福降 泄則禍臻 長淪幽夜 終不

正一法文經護國醮海品

清微藏書閣

蒙祐 太上重告子明日 夫學仙道士宜篤志勤苦 為國立功 救護 蒼生 先物後己 章醮錢銖座席散造功德 捨施貧窮 營建靜舍 燒香然燈 念濟一切 放生度死 功滿三千 白日昇天 是時豆子 明等首體投地 同聲稱善 作禮而退 天師君曰 自淳風漸薄 澆 偽競生 道德不行 百災俱起 能令國土不安 居家虛耗 妖怪互 出 疫疾流行 生事軸軻 動遭凶禍 或彈官黜職 祿位不進 貴 賤怨憎 謗毀凌辱 或偷盜劫掠 驚動 內外 國失土境 民喪錢 財 恐放縱橫民人死叛 或兒孫反亂 門戶不昌 所作違心 舉動 不利 若有此災 皆宜醮祀龍神或海龍江龍河水宅龍 任意祀之 醮法須清淨 諸果實隨時所珍 每令芳香 當用吉日 三年為 之 國安民豐 家內富溢 米穀盈倉 九年為之 金帛自積 所向 果從此法神驗 道不欺人 其鎮座用金銀珍寶 繒綵錦衣 著座上 龍神衣之 金龍五枚 各重一兩 本命紋繒 天子用足紫紋 王公 用命紋 五方鎮綵隨方色 東九 南三 西七 北五 中十二座 絳紋三丈五尺 天子三百五十尺 此物以為法信 東海水帝神 王頭建大晨寶明之冠 衣青文翠羽飛裙 帶青靈九色獅子虎頭筆囊

以立春春分日乘碧輦飛龍 上詣高皇玉帝削罪簡注仙錄 列奏上清玉皇帝前

南海水帝神王頭建大晨寶明之冠 衣赤錦文裙 帶丹靈紫綬三色擊囊 常以立夏夏至之日乘蛟龍飛行雲輿 上詣高皇玉帝削罪簡注仙錄 列奏上清玉皇帝前

西海水帝神王頭建大晨寶明之冠 衣素錦飛裙 帶素靈命神之章 九色獅子虎頭筆囊 常以立秋秋分之日乘素霞飛輿 上詣高皇玉帝削罪簡注仙錄 列奏上清玉皇帝前

北海水帝神王頭建大晨寶明之冠 衣炁錦飛裙 帶豁落七元五色獅子虎頭筆囊 常以立冬冬至之日乘炁霞飛輿 上詣高皇玉帝削罪簡注仙錄 列奏上清玉皇帝前

凡醮海神法 常隨四時上天日醮之 又以正月十五日 七月十五日 十月十五日 率言上天三宮功過罪福生死簡簿 應生者言左宮 應死者言右宮 謫役長徒大小劫會水中萬靈之事 隨所由列言 上下相應 若有考炁未正者 皆申三會考正 又言天地水三官

正一法文經護國醮海品

清微藏書閣

次存神

次鳴天鼓

次發鑪

太上玄元五靈老君當召功曹使者 左右龍虎君 捧香使者 三氣正神 急上關啟

三天太上玄元道君 臣等正爾燒香設醮速達逕御帝前 再拜

次稱法位

泰仙都正一平炁 係天師某治炁道士 小兆男官臣某甲稽首再拜 謹奉請

東方高上九玄玉虛帝皇

泰清玄元上三天無極大道太上老君

諸君丈人 湯谷玉女

扶桑大帝君 天帝君

中央黃老君 九老仙都君

九炁丈人 太清 玉陛下

上清太真玉寶王

上相東海玉門東華小童君
高仙萬聖玄極天尊 再拜

謹奉請

東海神阿明何歸君 再拜

謹奉請

南海神祝食劉囂君 再拜

謹奉請

西海神乘李口瀨君 再拜

謹奉請

北海神禹強昊禽強君 再拜

謹奉請

湯谷青華方諸官水帝神仙靈官諸龍王

謹奉請

青靈南水會宮水帝神仙靈官諸龍王

謹奉請

北都羅鄧宮神仙諸靈官諸龍王

正一法文經護國醮海品

清微藏書閣

謹奉請

碧海三神仙蓬萊方丈瀛洲水帝

諸宮神仙靈官諸龍王

謹奉請

五方龍神君

謹奉請

五方龍王

謹奉請

五方龍王丈人

謹奉請

東方青帝青龍神王君

謹奉請

南方赤帝赤龍神王君

謹奉請

西方白帝白龍神王君

謹奉請

北方炁帝炁龍神王君
謹奉請

中央黃帝黃龍神王君
謹奉請

天上飛龍神君
謹奉請

地下伏龍神君
謹奉請

日月神龍神君
謹奉請

星宿神龍神君
謹奉請

雲龍雨龍神君
謹奉請

五嶽靈山丘阜一切神龍君
謹奉請

正一法文經護國醮海品

清微藏書閣

守護國土宮殿府庫龍神君

謹奉請

三河九江四海四瀆洞源洞淵清冷千川萬谷十二淮津河伯河侯
四方八極水帝水府一切龍神君

並各嚴裝具冠降席臨饗 再拜

臣某謹上啟東海小童君 海內諸宮神仙靈官水帝 水府一切官
屬諸龍王神君等 臣幸藉宿慶運生 人品忝染道流 情希拯濟 思
欲佐國扶命 救度蒼生 不勝戰越 今有詞誠謹當宣奏

次讀詞

謹按詞文深誠丹禱 既承憑仰 不敢寢默 伏惟

皇上寸心所寄 志在卑宮薄食 子育黎民 荷天重任 願行道德

思欲誕敷

皇化 治合無為 三省九思 保安宗社 大同天下 以副朕懷 憑

仰海神龍王 曲就醮禮 垂慈臨饗 集福邦家 謹具啟

聞 臣某再拜

次上香

臣某謹重上啟海神龍王水帝水府一切官屬 乞降神明之大慈 感應
蒼生之請 願恩流有識 澤及無心 一反祐丹誠 冥福加助 使皇
帝神威被遠 謀謨日明 洞察幽玄 曉知前事 凡有祈願莫不遂情
乞天下安寧 兆庶平泰 六合歸化 似星迴之仰辰極 萬國來王
若川流之赴滄海 休兵偃甲 放馬息牛 子育黎民 不嚴而治
修行道德 以答洪恩 乞天災雲銷 地禍霧散 臣忠子孝 君惠父
慈 皇帝永保乾尊 如天不變 皇后長居坤重 似地不移 皇太子
諸王兄弟等並各盤根 帝本繁茂 皇枝萬歲千秋 榮華不絕 普天
率土 災害不生 地獄停苦 團圞息訟 含靈沾慶一切蒙福神明慈
力 所願稱心 萬善嘉會 荷恩罔極 臣某再拜

次上香

臣某等上啟

東海小童君 海內諸宮神仙靈官水帝
水府一切官屬諸龍王神君等

皇帝今請福禳災 奉請眾官 獻此微醮 伏願大聖玄鑒 有如影響
辭不再陳 言無鄭重 禮謝既周 行香已畢 雲車玉輿 羽蓋上

正一法文經護國醮海品

清微藏書閣

昇 晷漏易移 不敢稽滯 下土荒穢 不可久停 願垂哀憫 曲加

洪澤 臣某稽首再拜奉送

次吟送神讚

次上香

次復鑪

香官使者 左右龍虎君 侍香諸靈官 當令此問醮所自然生金液丹
精芝英 百靈眾真 交會在此香火案前 願臣等學道克獲上仙
皇帝受福天下 蒙恩十方 仙童玉女 侍衛香煙 傳奏所言 逕御
神前

元始靈寶告水帝削除罪簡上法

靈寶某帝先生某甲 年若干歲 某月生 願神願仙長生不死
三元同存九府水帝十二河源江海淮濟冥靈大神 乞削罪名 上聞九
天 請詣水府金龍驛傳

太歲某年某月朔如干日子 於某國告下
右朱書銀簡上 以青紙裹簡 青絲纏之 金龍負簡 以投三河

之淵

次叩齒三通

次發鑪

無上三天云云

次讀簡置案上祝曰

元始五帝 上帝高尊 十方至真 太華靈仙 赤文告命

無幽不關 上御九天 請下玉文 日月五星 北斗七元

中告五嶽四方靈山 下告河海十二水源

九府水帝 冥靈大神 今日上告 萬願開陳

請投玉簡 乞削罪名 千曾萬祖 九族種親罪相連 染及得某身

並蒙削除絕滅種根 記名水府 言上帝前七祖 父母去離八難

上登九天 衣飾自然 某罪釋散 萬神成聞 請以金龍關盟水官

請如所陳金龍驛傳

次上香

次復鑪

香官使者云云

元始靈寶告山簡求仙上法

正一法文經護國醮海品

清微藏書閣

靈寶某帝先生某甲 年如千歲某月生 命屬某帝 名係某山 願神

願仙 長生度世 飛行上清五嶽真人 至神至靈 乞削罪籍 上名

九天 請詣靈山金龍驛傳

太歲某年某月朔如干日子 於某嶽告下

右朱書銀簡上 以青紙裹簡 青絲纏之 金龍負簡以投名山

次上香

次發鑪

無上三天云云

次叩齒九通 讀竟 祝曰

玄上開明元始監真上帝五老赤書丹文 天地本始總領三元攝炁君會

催促舉仙高上符命 普告十天日月星宿 五嶽靈山 天下地上冥靈

大神 監生主錄南上三門關領玉簡勒名丹篇 削除罪書上輔帝臣千

曾萬祖 九族種親 皆蒙解脫五道八難 去離三惡 魂升九天 生

死開度 萬劫長存 今日上告萬神啟聞 請以金龍關盟真官請如所

告金龍驛傳

次上香

次復鑪

香官使者云云

元始靈寶告宅簡文

靈寶某帝 先生某甲年如干歲 某月生 命係九天北斗 領籍願神
願仙 長生度世 飛行上清中皇九地戊己黃神土府五帝削除罪錄
勒名太玄 請詣中宮投簡記名金鈕 自信金龍驛傳

太歲某年月朔日子 於某齋壇中告下

右朱書銀簡 青紙裹之 青絲纏鈕九隻金龍 一枚埋住中官

悉如上法

次於中庭向王叩齒十二通 讀簡竟 祝曰

天開地張 九炁分靈 三元洞府 十方朗清

五老上帝 開真鎮生 丹書赤文 元始上精

普告天下 九土皇靈 今日上告 萬仙定名

我願神仙 請投玉名 上府太皇 勒除罪刑

奏簡上官 列簿華清 早得飛騰 天地同靈

九祖種親 腐骸更榮 魂升南宮 受化仙庭

正一法文經護國醮海品

清微藏書閣

吉日告命 萬神咸聽 請以金龍 表盟至情

請如所告 金龍驛傳

次捻香

復鑪

香官使者云云

正一法文經護國醮海品竟

天運壬辰年寅月正一天師清微弟子洪鼎堅羅大英恭錄彙編